

## Widder den Bries.

Stos Fronwitpeer / gesotten Krebs vnd bocksblut /  
der da wein hab getruncken / vnd ein weil eitel peterlein  
hab gessen / brenn es zu puluer vnd isse / Odder harne  
auff ein heysen ziegelstein / vnd bleib ob dem dampff /  
es hilfft dich / Odder trinck gebrants knoblach was-  
ser / Odder trinck weis Lilgen wasser.

Ein anders.

Nym Lycheln / schneid sie klein / derre vnd puluer sie  
nym des yn wein odder auff gepeetem brod / das hilfft  
gar wol.

Ein anders.

Nym wurtzel von Klein Kletten / seuds ynn wein vnd  
trincks / Auch trinck erdber wasser.

Ein anders.

Nym Merrettig / puluer das vnd trincks ynn erdber  
wasser / las dir machen ein blat von wasserbley / vnd  
legs auff die lenden da dir wehe ist / nym es offt ab vnd  
legs hynwidder / das thut wol / Odder nym Alglasa-  
men / ist schwarz vnd glitzet als glas / netze ein finger  
zwei odder drey mal / greiff darein / vnd was daran be-  
klebt / das isse / few es wol vnd lang / es treibt sehr.

Ein anders.

Nym Fuchs blut / machs dürr / stoss zu puluer / tem-  
periers mit zucker / des nütze ynn einer brue / nym wein  
odder auff gepeetem brod / Odder nym Gaudreben ge-  
puluert / als itzt zum nehsten. Nym Liechtkraut /  
zwischen den zweyen vnser frawen tag / auch Bethoni-  
am ynn Meyen vnd fenchelsamen / machs zu puluer zu-  
sammen / vnd isse das yhe ynn dem ersten essen.

Ein anders.

Sanct Johans kraut / odder stein kraut ynn wein  
gesoten vnd getruncken. Item / pfiersingkern vnd Kir-  
senkern / treiben den harm sehr. Item / Dollerpeer  
wasser / treibt auch sehr.

Ein an-